

# TÓNHOLT

## Furðuverk

Ég á augu ég á eyru  
ég á lítið skrítið nef  
Ég á augnabrúnir, augnalok  
sem lokast þegar ég sef.  
Ég á kinnar og varir rauðar  
og á höfði hef ég hár  
Eina tungu og tvö lungu  
og heila sem er klár.

Ég á tennur og blóð sem rennur  
og hjarta sem að slær  
Tvær hendur og tvo fætur  
tíu fingur og tíu tær  
Ég get gengið, ég get hlaupið  
kann að tala mannamál.  
Ég á bakhlið ég á framhlið  
en innst inni hef ég sál

Ég er furðuverk, algjört furðuverk  
sem að guð bjó til  
Ég er furðuverk  
algjört furðuverk  
lítið samt ég skil.

inn í heilanum spurningum  
ég velti fyrir mér  
Og stundum koma svörin  
svona eins og af sjálfu sér  
En samt er margt svo skrítið  
sem ég ekki skil  
En það gerir ósköp lítið  
því mér finnst gaman að vera til

Ég er furðuverk, algjört furðuverk  
sem að guð bjó til  
Ég er furðuverk  
algjört furðuverk  
lítið samt ég skil.